

■ TRIBUNA POLITICA

Il president da la regenza scuntra la giuventetgna dal Grischun

DA MARTIN JÄGER,
PRESIDENT DA LA REGENZA

Sco ch'i vul la tradiziun mi-
da il presidi da la regenza
dad onn ad onn en il Gri-
schun. L'onn 2015 dastg jau
manar noss gremi. Mes onn
presidial ha survegnì la devi-
sa: «Il president da la regenza
scuntra la giuventetgna dal
Grischun». Gia il schaner ma
sun jau mess sin viadi ense-
men cun mes collega dal Tes-
sin. Nus avain discutà a Ro-
veredo cun las scholaras ed ils
scolars dal stgalim superiur
da la Mesolcina. Participads
eran giuvenils da buna luna
cun ina gronda paletta da
dumondas che mussavan cle-
ramain cun quant interess
ch'ils giuvenils da 16 onns
fan frunt a la vita. Dapi quel-
la giada han gi lieu ulteriuras
scuntradadas cun giuvenils, el-
las s'extendan sur l'entir onn.
Uschia ma salida per exem-
pel gia oz mia visita al «parla-
ment da mattas» che vegn ad
avair lieu mez november per
la segunda giada.

Sco schef d'educaziun
m'occupa en la politica
quotidiana cunzunt il svilup
demografic dramatic. La giu-
ventetgna dal Grischun na
mora bain betg ora. Ma ses
regress vegn ans chaschunar
er vinavant gronds problems.
Noss sistem da furmazion è
orientà a 3000 naschien-
tschas per annada. Actual-
main dumbrain nus dentant
mo pli 2000 giuvenils da 16
onns. Betg sco ultim datti
perquai en il Grischun oz cir-
ca 700 plazzas d'empren-
dis-



sadi betg occupadas. Er en
nossas scolas medias sa smi-
nueschan ils dumbers da sco-
laras e scolars adina pli fitg.
Ma il fund da la val n'è anc
betg cuntanschì. Nus ans
stuain esser conscients ch'ils
proxims onns vegni a dar ul-
teriuras reduziuns. Las an-
nadas las pli pitschnas consi-
stan da circa 1500 giuvenils.
Il regress è fitg different en
las differentas regiuns da noss
chantun.

Er sch'il dumber da giuve-
nils sa reducescha en
noss chantun, la scuntrada
cun las singulas personas giu-
vunas u cun gruppas d'ellas è
adina puspè ina buna chaus-
sa. Ils giuvenils dad oz èn cri-
tics, dentant er plain respect.
Betg sco ultim ha titulà la
«Schweiz am Sonntag» avant
intgens mais: «Uschè brava
n'è la giuventetgna svizra anc
mai stada.» La criminalitad
da giuvenils è per exempel sa
sminuida cleramain durant
ils ultims 10 onns. Condem-
naziuns da personas mino-
rennas èn sa reducidas per
circa in terz. Er il consum
d'alcohol dals giuvenils da 15
onns ha regredì significanta-
main durant l'ultim decenni.

Giuventetgna e politica:
La participaziun a vota-
ziuns da la generaziun giu-
vna è cleramain pli bassa che
quella da nossas annadas pli
veglias. Quest fenomen n'è
betg nov. Cur che jau era
giuven na s'interessava la
maioritad da mia annada er
betg per politica. Perquai ma
legrel jau, sche – il mument
actual – s'engascha blera
glieud giuvna en tut las di-
recziuns politicas. En las
proximas elecziuns dal cus-
segl naziunal datti er en il
Grischun pliras glistas giu-
vunas. L'engaschament è qua
multifar. Jau quint ch'igl è
fitg remartgabel sch'ina par-
tida giuvna è schizunt buna
da lantschar ina iniziativa dal
pievel sin plaun federal. Da
rimnar 100 000 suttascrip-
ziuns senza avair blers daners
a disposiziun signifitga in
engaschament voluntar da
zunt bleras uras. E sch'ina
dumonda dal pievel è dedi-
tgada – sco l'iniziativa reussi-
da cun success da la Giuven-
tetgna socialista svizra – al
fomaz mundial, lura sa mus-
si cleramain che la politica
giuvna na sto betg exnum sa
drizzar als agens avantatgs.
La speculaziun cun products
alimentars, da la quala l'in-
iziativa tegna quint, cha-
schuna enconuschentamain
adina puspè instabilitads
dals pretschs che mettan
milliuns d'umans en povra-
dad ed en fomaz. Ina giu-
ventetgna che vul surpigliar
responsabladad en ina per-
spectiva mundiala è ina giu-
ventetgna legravla, plain
speranza.